

II - ARABAKO LURRALDE HISTORIKOAREN TOKI ADMINISTRAZIOA

LEGUTIOKO UDALA

Irabazteko xederik gabeko gizarte eta kultura elkarteetarako dirulaguntzen deialdia, 2017. urtea

1. Deialdiaren xedea:

Aurrekontu mugen barruan lankidetzan jardutea, legeztatutako elkarteek udal mugarte barruan sustatutako gizarte eta kultura jarduerak 2017an sortutako gastuak finantzatzeko, interesgarritzat hartzen badira udalerrientzat.

2. Onuradunak:

Irabazteko xederik gabeko elkarteak izan ahalko dira dirulaguntza hauen onuradunak, baldin eta sozietatearen egoitza Legution badaukate eta legeak ezarritakoaren arabera eratu eta erregistratu badira.

Ez dira izango dirulaguntzaren onuradunak Dirulaguntzen Lege Orokorren 13. artikuluan ildo horretan ezarritako gorabeherak betetzen dituzten eskatzaileak.

3. Dirulaguntza jaso dezaketen jarduerak:

Kultura elkarteek proposatutako kultura programen barruko jarduerak antolatzean sortutako gastuak, kokatuta dauden udalerrri edo populazioari bideratuta badaude eta 2017. urtean garatu beharreko egutegi zehatza badaukate, tartean tailerrak, kontzertuak, jardunaldiak, antzezlanak, leku turistikoak bisitatzeko, eta, oro har, kultura sustatzeari lotutako jarduerak.

4. Aurrekontu kreditua:

Legutioko Udaleko aurrekontuan irabazteko xederik gabeko gizarte eta kultura elkartei bideratutako 330.481.010 dirulaguntzen aurrekontu aplikazioa aurreikusi da. Programa honen bitartez deitutako laguntzen zenbatekoa 30.800 eurokoa da.

5. Dirulaguntzen izaera:

Dirulaguntzak ematea borondatezkoa izango da; hortaz, ez da hartzen inolako betebeharririk deialdi honetara aurkeztu diren eta oinarriak betetzen dituzten eskaera guztiei dirulaguntza emateko.

6. Dirulaguntza emateko prozedura:

Lehiaketa izango da dirulaguntza emateko prozedura. Eskaerak erkatu egingo dira, betiere berrmatuko direlarik azaroaren 17ko 38/2003 Lege Orokorrek, dirulaguntzenak, ezarritako publikitate, lehia, gardentasun, objektibotasun, berdintasun, diskriminaziorik ez, eta eraginkortasun eta efizientziaren printzipioak.

7. Dirulaguntza eskabideak aztertzeko irizpideak:

Dirulaguntzak ematea borondatezkoa izango da; hortaz, ez da hartzen inolako betebeharririk deialdi honetara aurkeztu diren eta oinarriak betetzen dituzten eskaera guztiei dirulaguntza emateko. Hauek izango dira dirulaguntzak emateko balorazio irizpideak:

a) Zer interes publiko edo sozial duen jarduera proiektuak edo programak; baita zer interes duten ezarritako helburuek ere.

b) Udalerriko herrietan eragina duten eta bertako kultura eta bertako kultura jarduerak sustatzen dituzten proiektu edo jarduerak izatea.

c) Erakunde eskatzailearen egonkortasuna eta kaudimena, eta hark aurkeztutako programaren jarraitutasuna.

d) Erakunde sustatzailekoak ez diren pertsonak kideek parte hartuko luketen baldintza bere-tan parte hartzea proiektuaren edo programaren xede diren jardueretan.

e) Programa hau dirulaguntzaren bitartez aurrera eramatea bermatzeko aurkeztu ditzakeen baliabideak (azpiegitura, materialak eta baliabide pertsonalak) izatea.

f) Programa edo jarduerak euskararen zabalkundean laguntzea.

g) Kontuan hartuko da eskatutakoak erakunde eskatzailearen diru baliabideekin duen proportzionaltasuna.

h) Diruz lagundu beharreko zenbatekoa %1 areagotuko da diruz lagundutako jarduerak emakumeen eta gizonen arteko berdintasuna sustatzen badute.

Diruz lagundu beharreko zenbatekoa %1 areagotuko da diruz lagundutako jarduerak euskara erabiltzea sustatzen badute.

8. Dirulaguntzen kopuruak, izapidetzeko erakunde eskudunak, dirulaguntzak ematea pro-posatzea eta ebaztea:

Dirulaguntzak programaren kostuaren arabera eta hura partez estaltzeko dauden baliabideen arabera izango dira. Garrantzitsua eta kontuan hartu beharrekoa izango da sustatzaileak baliabide propioak sortu ahal izatea edo baliabideak beste administrazio publiko batzuen bitartez lortu ahal izatea.

Dirulaguntzen zenbateko osoa 2017rako kontsignatutako aurrekontu mugen arabera izango da.

Diruz lagunduko den gehienezko kopurua aurkeztutako aurrekontuaren %75ekoa izango da. Defizit hori diruz lagun daitezkeen gastuen arabera kalkulatu da, oinarri hauen laugarren atalean xedatutakoarekin bat etorritik.

9. Dirulaguntzak ordaintzea:

Elkarte bakoitzari dagozkion dirulaguntzak ezarri eta gero, ondoko banaketa honen arabera ordainduko dira:

– Dirulaguntza ordainketa aurreratu baten bitartez ordainduko da, justifikatu aurretik, programa garatzen hasterakoan diruz lagundutako kopuru osoaren %75 ordainduz; bermea jartzea ez da beharrezkoa izango jarduerak interes soziala dutelako. Nolanahi ere, interesa betetzen ez bada dirua itzultzeko eskatu edo erantzukizun eskaerak egin ahalko dira.

– 2017. urtean egindako jardueren memoria eta ordainketa ziurtagiriak aurkeztu ondoren gainerako ehuneko 25a ordainduko da.

10. Eskabideak: aurkezteko lekua eta epea:

Dirulaguntza hauek lortu nahi dituzten elkarteek eskabideak eredu formalizatuan aurkeztu beharko dituzte (I. eranskina).

Eskabideak Legutioko Udaleko erregistroan aurkeztu beharko dira, Carmen kaleko 10. zenbakian, edo Herri Administrazioen Administrazio Prozedura Erkidearen urriaren 2ko 39/2015 Legeko 16.4 artikuluan adierazitako edozein bide baliatuta.

Eskaerak eta agiri osagarriak aurkezteko epea 30 egun baliadunekoa izango da, deialdia ALHAOn argitaratu eta hurrengo egunetik aurrera.

Eskaerak edo berarekin batera aurkeztutako nahitaezko agiriek hutsen bat badaukate edo osorik ez badaude, interesdunei hamar eguneko epea emango zaie, errekerimenduaren jakinarazpena jaso eta hurrengo egunetik aurrera, hautemandako akatsak zuzentzeko; epe hori igaro eta esandako akatsak ez badituzte zuzendu, beren eskaeran atzera egiten dutela ulertuko da eta prozedura artxibatu egingo da.

Elkarte bakoitzak eskaera bat baino ezingo du aurkeztu.

11. Eskabidea osatzeko dokumentazioa:

Eskabideekin batera agiri hauek aurkeztu beharko dira:

- Eskabidea sinatzen duenaren NANaren fotokopia.
- Ordezkarri gisa jarduten duela egiaztatzen duen agiriaren fotokopia, eskabidea izenpetzen duena erakundearen lehendakaria bera denean salbu.
- Erakundearen estatutuen fotokopia eta Eusko Jaurlaritzako Elkartea eta Erakundearen Erregistroan legea betez eratuta egotearen ziurtagiria (baldin eta ez badu aurkeztu beste deialdi batzuetan).

– Jardueraren proiektua; ondoko hauek azaldu behar dira, modu berezian:

Lortu nahi diren helburuak.

Garapen egutegia.

Jarduera edo programaren kostua, banakatuta

Deialdi honetatik kanpo kudeatuko diren baliabideak.

Beste erakunde batzuen dirulaguntzak (Aldundia, etab.). Kopurua ezagutzen ez bada, aurreko urtean lortu den ala ez eta diruz lagundutako kopurua zenbatekoa izan den zehaztu beharko da.

Jarduera bakoitzeko diru sarrerak.

Bazkide bakoitzak ordaindu beharreko kuota

Taldeko kideen zerrenda, sexuen arabera banatuta

Erakunde onuradunek hitzematzen dute beraiek egindako jardueren inguruan Legutioko Udalak eskatzen dizkien datu eta agiri guztiak aurkeztuko dituztela.

12. Ebazteko epea:

Deialdia argitaratu eta hurrengo egunetik aurrera sei hilabete izango dira gehienez ere prozedura ebatzi eta haren berri emateko.

Gehieneko epea igaro bada eta interesdunei ebazpenaren berri eman ez bazaie, eskaera administrazio isiltasunagatik gaitzetsi egin dela ulertuko da.

Ebazpenak administrazio bidea amaitzen du eta haren aurka interesdunek aukerako berraztertze errekurtsoa jarri ahalko diote alkateari hilabeteko epean, ebazpen hori ematen denetik aurrera; bestela, zuzenean aurkeztu ahalko dute administrazioarekiko auzi errekurtsoa Gasteizko administrazioarekiko auzietarako epaitegian, bi hilabeteko epean. Horrek guztiak ez du eragozten interesdunak egoki deritzon beste edozein errekurtso ere aurkeztea.

13. Dirulaguntza justifikatzea:

2018ko urtarrilaren 31n bukatuko den epean, dirulaguntzen erakunde onuradunek honako agiri hauek aurkeztu beharko dituzte:

Justifikatzeko agiri hauek aurkeztu beharko dira:

- Diruz lagundutako gastuen memoria justifikagarria, entitate onuradunaren ordezkariak sinatuta.

– Fakturak, jatorrizkoak edo kopia konpultsatuak; datu hauekin argi identifikatuta egon beharko dira:

a) Emailea: izena edo sozietatearen izena, eta NAN edo IFZ.

b) Hartzailea, izenarekin edo sozietatearen izenarekin eta NAN edo IFZrekin (ahal dela, elkarte edo klubaren izenean) Gastuaren xedea

c) Data

d) Fakturaren zenbakia

e) Elkarte edo klubak izandako diru sarrera edo gastu guztien zerrenda

f) Zinpeko adierazpena, entitate onuradunaren ordezkariak sinatutakoa, gastua finantzatu duten dirulaguntza edo diru sarrerei buruzkoa, zenbatekoa edo jatorria adieraziz

g) Egindako publizitate materialaren ale bat (kartelak, eskuko programak, etab.)

h) Fakturak ordaindu izana egiaztatzeko dokumentazioa

Honako hauek ordainagiri gisa onartuko dira:

– Jatorrizko fakturak, enpresa jaulkitzaileak jarritako zigiluarekin, ordainduta daudela adieraziz.

– Bankuko jatorrizko ziurtagiria; bertan agertuko dira, gutxienez, zenbatekoa, data eta ordainketaren edo transferentziaren erakunde onuraduna. Ziurtagiri hori izenpetuta aurkeztuko da, eta/edo bankuaren zigilua daukala.

– Jatorrizko fakturaren jaulkitzaileak sinatutako eta/edo zigilatutako ziurtagiria; bertan agertuko dira faktura zenbakia, zenbatekoa eta ordainketa data.

– Posta arruntez jasotako banku laburpenak, jatorrizkoak.

– Kontu korronteen libreten kopia konpultsatua, mugimenduak ageri dituena.

– Banku laburpen elektronikoak, e-mailez jasotakoak edo transferentzia agindu telematikoak

– Jatorrizko erosketa agiriak, horrekin zenbatekoa ordaindu dela egiaztatzen bada.

Honako hauek ez dira gastuen justifikagarri gisa onartuko:

– Honako hauek argi identifikatuta ez dituzten fakturak edo agiriak:

– Emailea, izenarekin edo sozietatearen izenarekin, eta NAN edo IFZrekin.

– Hartzailea, izenarekin edo sozietatearen izenarekin eta NAN edo IFZrekin (ahal dela, elkarte edo klubaren izenean)

– Gastuaren xedea

– Data

– Fakturaren zenbakia

– PFEZren (Pertsona Fisikoen Errentaren gaineko Zerga) kontu atxikipenen arloan zerga araudia betetzen ez duten fakturak edo agiriak

14. Dirulaguntza itzultzea:

Jasotako kopuruak itzuli egin beharko dira horrelako kasuren bat gertatuz gero:

Aurkeztutako eskaeran edo agirietan gezurrezko datuak azaldu badituzte.

Emandako dirulaguntza ez bada erabili aurkeztutako eta onartutako programan aurreikusten diren jardueretarako.

Hasierako aurrekontuan aurreikusitako gastuak (zegokien ehuneko ekonomikoa aztertze erabilitakoak) ez badira modu zuzenean justifikatu faktura eta ordainagiriekin, 13. oinarriak ezarritako betekizunekin bat etorriz. Gastuaren partezko justifikazioa eginez gero, justifikatu ez den gastuaren baliokidea den diru kopurua itzuli beharko da.

Jardueraren benetako kostua kontuan hartuta gehiegizko finantzaketa lortu bada; halakoetan sobera dagoen diru kopurua itzuli beharko da.

Gainfinantzaketa egon bada, beste erakunde publiko edo pribatu batzuek dirulaguntzak edo laguntzak eman dituztelako; halakoetan, onuradunak Legutioko Udalak emandako zenbatekoa itzuli behar du, halako moldez non ez den gaindituko proiektuaren edo jardueraren kostuaren ehuneko 100.

Oro har, oinarri hauetan, araudi aplikagarrian edo dirulaguntzaren kontzesioan ezarritako edozein betebeharrak ez bada, esaterako oinarri hauen 15. eta 16. puntuetan jasotakoa.

Dirulaguntzei buruzko 38/2003 Lege Orokorraren 37. artikulua jasotzen dituen gainerako itzultze arazoetatik edozein gertatuz gero.

Itzultzeko prozedura izapidetuko da 38/2003 Lege Orokorrak, dirulaguntzei buruzkoak, horri buruz xedatutakoarekin bat etorriz, hura udalbatzaren, dirulaguntzak ematen dituen organoaren edo organo eskuordearen erabakiaren bidez ebatziko da, eta betiere entzunaldiko izapidea emango da.

Zenbatekoak ez badira horretarako ezarritako epean itzultzen, kasuan kasuko berandutze interesak eskatuko dira, dirulaguntza ordaindutako unetik itzuli beharra erabaki artekoak.

Itzuli beharreko kopuruak emandako dirulaguntzaren zenbatekoaren ehuneko 20 gainditzen badu, orduan 2018ko ekitaldian emango diren dirulaguntzetan egokituko litzaiokeen dirulaguntzaren kontsezio osoaren ehuneko 20ko zigorra aplikatuko da.

15. Kolaborazioak:

Legutioko Udalak, berak kultur hedapenerako antolatutako kanpainak aurrera eramateko egoki irizten dion kasuetan eta dirulaguntzaren zenbatekoaren arabera, elkarte edo klub onuradunek egin beharreko kolaborazioak idatziz zehaztuko ditu, urtean zehar.

Erakunde onuradunak berak udalerrian egiten den kultura jarduera bat gutxienez antolatzeko edo bertan lankidetzan emateko baldintzaren pean egongo da dirulaguntza.

16. Betebeharrak:

Udalak oniritzia eman aurretik, elkarteek udalaren armarrira garatutako material guztietan jarri beharko dute (irudiak, kamisetak, etab.), dirulaguntza lortzeko aurkeztutako aurrekontuan gastu gisa jaso bada edo udalak erabat finantzatzen badu.

17. Dirulaguntzak emateko arazoak aldatzea:

Dirulaguntza emateko kontuan hartutako baldintzetan aldaketa garrantzitsuak egon badira, ebazpena aldatu ahalko da.

18. Arau hausteak eta zehapenak:

Dirulaguntzen arloko arau hauste eta zehapenei buruzko arloan, osorik aplikatuko dira 38/2003 Lege Orokorraren, dirulaguntzenaren, IV. tituluan jasotako arauak eta lege horren erregelamendua onartu zuen 887/2006 Errege Dekretuaren IV. titulua.

19. Araudi aplikagarria:

Oinarri arautzaile hauetan aurreikusita ez dagoen guztian, honako hauetan xedatutakoa aplikatuko da: 38/2003 Lege Orokorra, dirulaguntzei buruzkoa; uztailaren 21eko 887/2006 Errege Dekretua, azaroaren 17ko 38/2003 Legearen erregelamendua onartzen duena, eta Legutioko

Udalaren dirulaguntzak eta laguntzak arautzen dituen Ordenantza, 2005eko martxoaren 21eko ALHAOn argitaratua.

Legutio, 2017ko maiatzaren 2a

Alkatea

NEKANE GARAIGORDOBIL BENGOA